



SAKSPAPIR

Saksnr	Utval	Type	Dato
41/2018	Formannskap/plan- og økonomiutvalet	PS	04.06.2018
	Kommunestyret	PS	

Sakshandsamar	Arkiv	ArkivsakID
Åse Elin Myking	FE - 056	18/251

IKTNH - UTVIDING MED FLEIRE KOMMUNAR

Vedlegg:

IKTNH Utviding konseptfase 2.0

Rådmannen sitt framlegg til vedtak:

Arbeidet med å få til ei utviding av IKT Nordhordland med fleire kommunar bør starte så raskt som mogleg. Vaksdal kommune er positiv til at hovudprosjektet som skal koma med konkrete forslag til utviding vert starta opp.

Dersom Gulen er klar for å gå inn i samarbeidet før hovudprosjektet er ferdigstilt, så er Vaksdal kommune positiv til det.

Formannskap/plan- og økonomiutvalet - Sak 41/2018

FPØ - Behandling:

Samrøystes vedtak.

FPØ - Tilråding/Vedtak:

Arbeidet med å få til ei utviding av IKT Nordhordland med fleire kommunar bør starte så raskt som mogleg. Vaksdal kommune er positiv til at hovudprosjektet som skal koma med konkrete forslag til utviding vert starta opp.

Dersom Gulen er klar for å gå inn i samarbeidet før hovudprosjektet er ferdigstilt, så er Vaksdal kommune positiv til det.


Saksopplysningar:

I kommunestyremøte 12.mars, sak 17/2018 om utviding av Ikt samarbeidet, gjorde kommunestyret følgjande vedtak

Vaksdal kommune vedtek oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

Alle kommunane i samarbeidet har fatta likelydande vedtak.

I ein konseptfase vert grunnlaget for ei utviding av IKT samarbeidet med fleire kommunar nærare utgreidd. Resultatet av konseptfasen vert no framlagt kommunane for eit ev vedtak om å gå vidare med eit planleggingsprosjekt.



Eit planleggingsprosjekt vil danne grunnlaget for ei sak om utviding av samarbeidet. Saka vert framlagt kommunestyrene i Nordhordland for endelege vedtak.

Hovudkonklusjon frå konseptfasen

I konseptfasen er saka utgreidd for å avklare grunnlaget for ei eventuell utviding av IKT-samarbeidet.

Hovudpunkta er:

- Ei overordna vurdering syner at ein kan levera dagens teneste til fleire kommunar med eit positivt økonomisk resultat som dei samarbeidande kommunane vil kunne nytta til investeringar i digitalisering utan å auka totalkostnadane for IKT.
- Ei utviding vil gi IKTNH eit betre grunnlag for å levere dei tenestene som trengs i framtida. Det går både på kvalitet og kapasitet.
- Konseptfasen syner at det er grunnlag for å få til ei utviding av IKTNH. Nokre kommunar har allereie kontakta IKTNH med ynskje om å få til eit samarbeid og andre kommunar har svart positivt på vår henvendelse.
- Austevoll får levert tenester frå IKTNH – det fortsetter som i dag. Samnanger er også interessert i å få levert tenester. Gulen vil kome inn som medlem så snart det er naturleg. Samnanger og Austevoll vil komme inn som medlem når ein får avklart i hovudprosjektet om der er andre kommunar som også ønskjer å delta.
- Ei utviding vil også krevje at IKTNH må utvikle seg og det må sjåast på styringsstrukturen slik at dei kan stå fram som ein profesjonell leverandør av IKT teneste.

Rådmannsutvalet gjorde fylgjande vedtak 27.april:

- Rådmannsutvalet tar rapporten til vitende og ber om ein går vidare med neste fase i utgreiinga.
- Dersom Gulen kommune er klar for å gå inn i §27-samarbeidet før hovudprosjektet er ferdigstilt, så er rådmannsutvalet positiv til det.
- Rådmannsutvalet er også positiv til at Samnanger kan takast inn på same vilkår som Austevoll i dag har, men at fullverdig medlemskap vert vurdert gjennom hovudprosjektet for begge kommunane.

Gulen kommune er i dag fullverdig medlem i Regionrådet og samarbeider tett med dei andre kommunane innanfor mange tenester. Dersom Gulen kommune er klar til å inn i §27-samarbeidet før hovudprosjektet er ferdigstilt, så er NN kommune positiv til det.

Vurdering

Rådmann vurderer hovudkonklusjonen frå konseptfasen som svært interssante med tanke på ei utviding av samarbeidet og dei gevinstane det kan ha for utviklinga i kommunane.

Rådmann støttar dei vurderingane som er gjort og legg fram likelydande framlegg til vedtak som i dei øvrige kommunane i samarbeidet.